

樹經堂詩初集

補梅軒草土

南康謝啟昆蘇潭

種梅二首

河儲壁有畫梅而署中無梅樹辛亥二月補植邀同人賦之

日日摩挲壁上花忽看庭院幾枝斜惜春如命恒捐俸  
種玉成圍便是家瘦影自臨方鑑水軒前有池日清陰源頭活水  
低護半窗紗誰云江北殊風土側帽巡簷一笑誇

老屋虬枝記北樓

宣州署有老梅書屋

還如水部在揚州春風舊

夢吹紅雪今日繁香伴白頭  
淄淄晴雲連浦澈溶溶曉  
月借羅浮漢書準備當軒  
讀細嚼寒花自唱酬

王沛堂爲余畫種梅圖小影自題長句

昨日乞花兼乞詩今日畫梅更畫我  
一枝一幹一蘇潭  
化作梅花千百顆我是蓬萊謫後身  
鳳麟洲上蒔花人  
飽經寒北風烟古行歷江南橘柚春  
荏苒韶光五十載  
大庾峯下春如海燭影簫聲鬢已絲  
酒痕墨瀋香猶在  
三刀舊夢閱三州鴻飛又照清淮流  
亦如此花任移植  
不共羣卉爭春秋年來宣房奏底續  
使者羽衣坐吹笛

河成不賦黃樓詩花放能澆醉翁客山農處土工寫真  
爲我點綴招花神鐵骨何妨姿斌媚冰心偏與韻清新  
三雛長未及花半課奴種花繞膝看只冀枝橫影動浮  
那知人去物移換今之視昔後視今慎勿翦拜傷苔岑  
花開月下成三影人與寒梅共一心

### 木龍

龍身百斛力能扛龍勢蜿蜒吞奔瀧縱木爲榦橫梁雙  
蛻骨不死鯨波降堯佐成規李掾補萬柳亭前臥烟雨  
護莎刷淤胥用汝天平地成輔

神禹

木龍有天  
平地格格

土牛

控搏布置如夔牦五行相制位于丑春風寒氣送國門  
那及囊沙鎮渠口河壩土貴堅金同坤德利用占黃中  
石牛木馬讓汝功長隄無恙蹄角豐

放淤

一縷虹堤薄如許巨浪衝激那能禦防之不暇反決之  
虛者可實流可渚一石黃河泥數斗須臾漲滿積如阜  
精衛填海負山走疊嶂重關乃堪守

下埽

千夫下撻聲喧雷萬牛腹卷蘆花堆轆轤軸轉山崔嵬  
失勢下墮身手摧庚辰受命蛟龍縛十丈龍門似鐵絡  
今年幸不身填河且過重陽飲桑落

築堤

以堤束水水刷沙蜿蜒千丈常山蛇信水一寸高一尺  
縣尹符下起夫役登登憑憑築有聲椎土堅于赫連城  
爲民捍患死亦足不唱大堤女兒曲

栽柳

隔歲簽椿如筍束萬縷春來蘸波綠稊苗易于董澤蒲

條繁用佐淇園竹六月長堤燕子風涼吹白鷺藕花紅  
行河使者車匆匆有人高臥柳陰中

浦莊挑水壩

黃河天上來勢與東溟會清流貫其中運口南北對風  
激沙渟淤北運口或隘障之使盪刷築壩且其外長纜  
施浪底束菱土以載條忽垂虹飲依稀露鰲背挑水卽  
兜水中泓漚澎湃糧艘銜尾進如魚趁濤瀨中產費百  
金挽力輕千輩始信河伯仁不向監侯貸玉粒運畿甸  
可以奏上最

哭綬亭姪四首

是詩作於去冬不忍錄也今將遣僕赴京舉櫬書以  
焚之

阿買竟如此茫茫可奈何駿空燕市骨淚溢廣陵波

舟至

揚州得  
凶問

離別纔三月沈淪抱宿疴訃來疑夢寐搔首問

維摩

前番得汝書

廷試列名初詎料飛翎折終成覆鹿虛生逢磨蝎命死  
望廣文除不遇才何限家門實痛余



昔余未有嗣視汝等親生安定三餘課

姪從宦維揚肄業安定書院

追隨十載情余今舉三子汝并少孤嬰轉待爲之後沈

沈念伯兄

吾家埋玉樹天上落金棺一力歸行篋殘冬過贛灘後  
來人孰繼老輩眼應乾悲極不成賦蕭蕭江水寒

弔何渭涯

中年一第冠南州送老齋鹽已白頭姓氏終遺黃甲榜  
風霜屢敝黑貂裘高懷落拓鱣堂冷斜日蒼茫鵬舍愁

遺稿何人堪付託南豐古誼獨旁搜

曾都轉賓谷將刻其遺稿

題蔡予嘉妾烏鬚圖二首

摘來領下魏科掇拈斷微髭五字吟紅燭畫簾修史罷  
寒生半臂夜深深

二千石職紀新除七尺昂藏鬢尚烏膏面有心憐妾媚  
彈箏無客捋公鬚

題吳夔菴玉照圖

論交有道花有神四海如君存幾人肝膽照我古冰雪  
畫史安得傳其真少年騎氣行萬里探花直過章浦津  
射策金門不稱意屈身幕府非韓申調羹妙手佐吏事

我初刺郡京江濱東閣詩篇北樓賦花開花謝隨征輪

淮陰城畔復攜手種樹偏與蘆荑鄰拍手大叫浮大白

羅浮月上香氤氲出示舊圖名玉照是爲戊戌嚴冬辰

忽憶風波吹噩夢初救急難還柴門

是年余緣事赴京君千里同行冬月

亦賜環君返石門

寒梅氣味畧相似孤根盤錯慘不春南泉書

屋一水繞樸樹齋頭萬本親相訪一鼓子猷棹女兒溪

上花繽紛十五年去疾于鳥老梅無恙君顏新華光道

人本家法勾圈點辦枝枝勾弟子王蒙寫生面癭仙逸

客殊等倫

門人王沛堂更作新圖也

紙上白雲三萬頃縹緲現出瞿

墨身我昨題軒更繪像

署西軒顏曰補梅  
沛堂爲余作圖

披圖相對花

應嘆花耶人耶兩莫辨  
是我是子忘主賓  
心事終當守  
鐵石歲寒不用盟  
松筠他日兩家傳  
畫本拈花一笑參  
前因

送汪石蘭返維揚兼懷邗上諸友二首

袁公浦上楊仍懸翦燭論文又隔年  
天末蘋風君子意  
江南梅信故人緣  
猪肝累少何妨住  
雞肋官微未肯捐  
君將復  
補廣文 甓社湖邊虹貫斗  
居人爭識米家船

三生杜牧揚州夢  
今日因君寄所思  
蘭栗梢頭春未老

珠簾影畔鬢成絲石交落落晨星少水調瀟瀟暮雨遲  
此去追尋禪智寺好賡壁上舊題詩

題賴甥應三聽松圖小照

前年共汝臥章水桃花甕暖傾醍醐

舊有桃花春甕圖

今年隨

我住淮曲松風謾謾開新圖如淮之酒不療渴更欲煮  
茗炊竹爐羨子貌肥如瓠壺能雪昏滯斟雲腴盧仝七  
椀勝百瓠於余酷似還愈余不學嵇康柳下鍛奚啻宏  
景華陽居却憶授書廬岳廬萬笏林中松萬株衣袂翠  
生鬢眉綠毛骨寒徹心魂蘇汝來過訪抱被宿夜半驚

起呼於菟得毋懷此意躊躇欲往從之江路紆煮石山  
農墨妙摹雲濤聒耳無時無洲浦颯颯鳴菰蘆我夢已  
到宮亭湖

題錢竹西讀書秋樹根圖四首

翩翩公子舊王孫尚守儒冠傲骨存架有賜書駕水側  
家如獨樹杜陵村青峯影落人調瑟黃葉聲多客款門  
吟到秋來詩格健據梧靜契更無言

初驚乳虎氣吞牛總角相逢古潤州七尺憐君長倚樹  
廿年老我獨悲秋畫船載酒蒹葭岸白社分題棣萼樓

令弟筠溪  
同寓清江

差免西華憂葛帔青衫芒履自風流

執卷徬徨有所思絳雲劫後一經遺下帷燈火西風裊  
對榻琴書夜雨時刊落浮華千古意不爭窮達十年期  
盤陀趺坐觀空了那用尋源問導師

輸他深柳啟書堂曠策昭琴已兩忘修竹小園賡庾信

秋聲四壁助歐陽搜遺應續羅浮志

竹西曾祖愚谷先生有羅浮外史

照影偏鄰石鏡鄉疑是吳剛修月下今年桂籍看飛揚

寄題范二芳谷索笑圖兼懷范大芝岩二首

一春三寫梅花影

王沛堂爲吳夔菴圖玉照爲余補梅今更爲芳谷作索笑圖十日

重題舊雨詩冰雪心情君共我寒香臭味友兼師

君爲夔巷

子弟閒開笑口前身悟贈到枝頭遠夢知看汝丰姿如冠玉不應瘦骨伴支離

別業天平太史居宮袍歸養足清娛心依白髮三千丈

手種寒梅十萬株東閣吟牋常憶范

李商隱詩定知何遜緣聯句每到城

中憶范雲西崦蠟屐正思吳持家有弟供鮭韭酒舫輸君泛

石湖

葦蕩營卽事四首

鄴杜竹稱海蘆洲此名蕩飛雪亂晴晝不辨輪與輿計



畝踰百萬營制轄以兩其左濱海濫右居黃河上四圍  
天覆孟一片青浮蓋荻芽抽芒刃老榦森甲仗傷彼採  
樵人風雨無饑饉但聞斤斧聲東西失背向用以填金  
堤力與奔流障惟柔能制柔物理固難量大哉天地德  
廣生土無曠

于公盡地利趙公乃廢之復于齊勤恪廣于無錫嵇

熙康

初年于公成龍爲河帥始置葦營五十年間趙公世顯  
棄與民爭訟不已雍正初年齊勤恪公蘇勒始復之嵇  
文敏公會筠  
更廣其制兩河實攸賴下隄束茭隨不惟固宣防紕

奸亦在茲逐鹿鹿有主爭田田有蹊貨惡棄于地力不

爲己私不知誰作備邊界棄如遺計其所賦入國課輸

毫釐情民貪天功豈肯勤畬菑遂致虞芮訟越畔多參

差我無召公德質成滋愧詞

乾隆二十九年當事者以葦蕩濱黃河地不產蘆千

餘頃召民耕種每頃納課二錢八分迄今開墾者寥寥其墾熟者復坍入黃河遂致官民爭訟結訟無已也

陸運苦無車舟運苦無澤乃名曰筏運制畧仿溝洫其

廣不盈丈其深僅倍尺荷鋪俄成雨均堂貯涓滴渰然

有雲興猷澮遂充積草紮兼繩縛圍圓守定式一人負

以趨聯絡累十百銜尾葛陂龍捷于泛波鷁轉輸達河

壩次第受廣舶忽焉杯水枯一束艱萬石蚩蚩魚蠻子

盜決甚蠹賊不綱聖所戒況乃禍鄰國厥職兼虞衡厲  
禁敢辭力

田賦有耗羨此亦有正餘正者有定數餘則隨盈虛譬  
如寡婦利秉穗遺錙銖但要充公用不得供樵蘇收之  
以官帑一一歸河儲船分浚柳石種兼葭蘆風波偶

失利乾沒或有諸酒帶著爲例欺罔庶消除

向多失風  
飄沒柴束

予仿糧艘酒帶之例通幫  
分賠故近日失風者少田野食瓜果于律亦有誅矧

此司管鑰安可通苞苴我詠行葦詩苞葉春風舒載賡

蒼葭什采采霜落初萬卉同一本慎勿傷鴉鋤

清明有  
采青之

禁

題蔡呂橋江樓喚鶴圖卽送其赴都謁選二首  
樓頭喚起謫仙無孤鶴橫江賦大蘇萬里橋西清興發  
一千年後夢魂俱金樽玉笛邀明月芳草晴川入畫圖  
我欲從之生羽翼白雲搔首望躊躇

摹勒少霞碧落篇一琴相伴客蕭然墨磨盾鼻曾書檄

福忠勇公征  
臺延君入幕

筆點梅梢自擘箋

君善畫梅  
貽予一幅

黃鶴高歌如

昨日虹橋小住又三年

僑寓維  
揚三載

腰無萬貫驅車去豈是

鳬飛葉縣仙

和袁簡齋先生除夕絕句七首

東坡送歲爲詩忙  
筆似揮戈返魯陽  
一度殘宵如隔世  
明朝準備進桃湯

矍鑠非關大藥扶  
狂來醉墨洒金壺  
長生更續朱絲纈  
六甲重推大衍圖

小蒼山色白門邊  
閉戶攤書歲月綿  
白玉梅開纔萬樹  
蟠桃子熟又千年

一卷齊諧續未成  
金閨詩賴品題明  
大家齊乞通明殿  
漫駕紅雲上界行

薤歌仁擬和彭澤宰木憑他拱北山兜率茫茫誰是主  
樂天何日叩禪關

佛說無生更有生麻衣道術豈分明但知天上貽麟種  
未識先生是昴精

姊弟夫妻共白頭還饒紅袖點詩籌先生作達原無累  
況復移家近莫愁

附閨人和作

姚秀英

紅杏春風燕語忙新傳錦字到淮陽浣花牋紙喻麋  
墨發篋先薰荳蔻湯

鍾夫人惠所製箋墨  
二事與隨園詩同至

花滿隨園却杖扶全家占住卽仙壺齊眉白髮紅燈  
映此樂人間未可圖

本是蓬萊絳闕仙清班被謫恨綿綿休驚小劫風輪  
疾一局還須五百年

楚些虞歌唱不成嘏詞自作眼光明泰山喬木今無  
恙魚鳥嗤君曳履行

芙蓉已曠城中主別院還封海上山今夜更斟長命  
酒開年便脫鬼門關

發甕邢房悟再生寒灰撥盡到天明醉來弄月袁宏

渚可記前身太白精

而今甲子數從頭借箸爲君進一籌  
壽佛空明本無相  
眉間黃氣已銷愁

題谷竹村餘生紀畧後

行河使者虬髯客手勒河渠熟三策  
長淮如帶德水清  
畫閣春燈話籌昔昔官中州歲辛丑  
儀封水溢吏民走  
以身填堦誓不去獨有王尊抵死守  
是年半刺初遷秩  
瓠子無成閱兩月拮据惟懷已溺憂  
宣防敢咎他人失  
沈玉禮河來上公

謂阿公相

內帑百萬頒司空



九重宵旰不遑釋小臣盡瘁難言功昨冬口合旋復裂

春來重築工將畢夜半狂章忽失守劃然一聲亂弦折

隻身萬丈落洪河一念已付東海波馮夷之宮沒復出

槎浮上下相盪摩

觸稽而止

水怪魚龍俱辟易神光下照肝

膽赤折蘆何計舟子招畫水誰資羽翼力千金一壺不

易求有物挾腋橫中流

挾腋木得升

恍惚木杯渡彼岸五人

其命如輕鷗

獲救者五人

剪紙招魂魂未省兒童秉燭夢初

警願化精衛銜木石宵隨土偶嘲桃梗袞袞諸公登柏

府公獨養疴溁陽圃難進易退君子心急病讓夷古賢

語竭來三擢到淮陽金堤屹立同金湯大帥倚公若手足我亦仰賴相扶將頃者入

覲詔前席往事垂詢

聖心惻時平無忘真定功長生定荷

天恩錫

送春次韻二首

春歸不爲閨年遲惱殺多情韋左司寒剩棟花風翦翦  
熟憐梅子雨絲絲聽鶯藉草追歡地臨水登山獨往時  
無奈梨雲牽舊夢酒狂今復一中之

欲把長繩繫寸暉天涯白髮素心違將離采采逢君贈  
杜宇聲聲喚客歸紅燭畫欄愁困頓柳花桃葉惜芳菲  
了無痕跡舟難刻今昨誰分是與非

程春廬招同其婦翁吳夔菴及幕中諸友李公  
祠看牡丹夔菴子鏗華余子學增學崇亦與焉  
是日微雨

頻年賞花遂成例不計先生酒樽費先生本是花中仙  
花下敷牀講經義雲母燈明夜讀書玉堂春好先呈瑞  
豔色只向西鄰賒奇葩豈屑洛陽致如桐知閨開較遲

倩蝶探花吐猶未瑯瑯羯鼓催新苞濫濫綵霞媚幽砌  
七字和成折柬招寸箋割取天香至韋雲判了休早衙  
梅雨收殘控輕轡不嫌泥濘到階除要看鮫綃裹珠淚  
文磚幾級當雕欄亂葉千層濕深翠從游課到兩家兒  
羨子葭玉相映蔚座中皤髮我與翁對花不飲已心醉  
江國鶯花二十年歡場過眼如雲烟九十屏風品題徧  
三千里路夢同牽宦轍飄蓬喜會合故人鑑井愁蹁躚  
謂宋南泉有花不常看何況曲塢蘇潭邊官齋花好只  
瑞屏數朵借人亭子供流連莫怨天公太慳吝但恐芳節多

棄捐我今折花爲翁壽山香舞罷呼青蓮青蓮來下雲  
旗翩歲歲與我相周旋

鐵犀歌

夏家橋第一牛辛巳丙申戊戌丙辰鑄  
文云維金尅木蛟龍藏維土制水龜蛇

降鑄犀作鎮真淮揚永除昏墊報吾皇安東  
縣第二牛辛巳丙申戊戌己未高堰壩第三牛

辛巳丙申丙午甲午馬家港第四牛辛巳丙申  
丙午丁酉茆家圩第五牛辛巳丙申丁未庚子

高良澗第六牛辛巳丁酉辛未戊子龍門壩第  
七牛辛巳丁酉辛未戊子龍門壩第八牛辛巳

丁酉癸酉壬戌清水塘第九牛辛巳丁酉甲戌  
乙丑中河第十牛辛巳丁酉戊寅丁巳談家庄

第十一牛辛巳丁酉戊寅庚申戚子堡第十二  
牛辛巳丁酉壬午乙巳清水潭第十三牛辛巳

丁酉壬午戊申郭家嘴第十四牛辛巳戊戌癸  
巳丁巳清口第十五牛辛巳戊戌癸巳乙未邵

伯更樓第十六牛辛巳九月重陽日戌時大  
清康熙四十年歲次辛巳五月端陽日開鑄九

月重陽日告成監鑄官王  
國用鑄石十六牛鑄文同

我昔揚帆泊清口但見一犀鎮河壩  
竭來河儲搜掌故鑄相十六窺其全  
五行厭勝古有法聚金恰用辛金年  
吉諏午月鑄鏡節造化爲鑑火雲煎  
重踰九鼎不易範重陽歲事陽氣宣  
年命支干各相配處以人道非偶然  
豪筋雋骨四體具除民昏墊宜仔肩  
緬維仁廟四十載文端銜

命拯顛連九州一錯董安國攔黃壩  
築海口湮馬家港

開害更大長槌難下菱誰舉折壩塞港災用澹功成鑄  
象銘詞鐫夏家橋逮邵伯埭險工幾處甲乙編九十年  
來荷奠定碧繡角脰苔花圓

睿謨旬宣咨大帥汝但高枕平沙眠旣免浮鼻逐鷗鷺  
又不負重遭笞鞭豈若木龍挑渦浪反遜土牛堆陌阡  
童律黃魔供使役龜蛇蛟鱷驅蜿蜒分水有靈職毋曠  
慎勿坐視同疣懸蜀江之石尚可轉陝州之鐵亦可遷  
爾質雖堅安足恃作歌譜入河防篇

題花萼圖小影示學增學崇

周公棠棣形于詩唐賢花萼著爲集我家寶樹遜三珠  
不結高樓誇奕葉亭亭靜立初勝衣少者清癯長者肥  
隸事未能奪團扇聯吟亦學寫烏絲南山之喬北山梓  
京兆荆榮有至理綺年兄弟老來疎莫忘姜被同臥起  
家聲振起後來人鄂跼光輝屬汝身草綠西堂應有夢  
枝駢南浦豈無因乃翁補梅曾入譜阿叔藝蘭已成圃  
全家生意釀春工兩世同懷惜風雨花塢日長宜讀書  
官齋燈火閉門居袁公浦上千尋木他日可能憶二蘇

謂余與  
砥山弟



覃溪師六十壽詩

北平吾夫子祕文紉石室簪筆四十年著書一千帙雕  
鐫金石富制詞手腕疾集古歐趙遺翰墨褚虞匹精力  
貫百家尚友若膠漆嗜好從人殊聞道我先忱邇來盛  
浮華風騷失正律士不務樸學論或鄙經術溯河已斷  
港揣籥烏知日公獨秉醇意爲文必已出鄭賈義分剖  
程朱理則一直以心性言而貫注疏質考證入歌詠前  
賢所未悉漢廷尊老吏矩範不可軼師嘗云詩到蘇黃  
盡惟虞伯生以道  
學入詩能獨開生面數百年以來以此荷  
無繼者蓋未嘗不以斯道自任也

主知鸞臺晉高秩三吹鹿鳴笙屢持學使節漢陰擷蘭  
芷冀北空驪驕珠江無匿光豫章有再實近復臨齊魯  
珊瑚網收散逸韻事續漁洋著錄訪高密雄才泰岱齊清  
氣東海溢公文壽萬世賤子吟秋蟀樗材傷老大藥籠  
忝芝朮學業百無成政事古難必日與蒨菱親邈焉函  
丈失回憶東湖村坡仙薦芬苾師舊居京邸地名東湖  
柳村每歲祀東坡生日  
更懷蓬鶴軒山谷祀有飫己酉歲山谷生于江西使  
院之蓬鶴軒薦脯笋啟昆亦  
與蘇黃今再見視履定逢吉甲子紀從頭申生賴輔弼  
翹瞻歷亭雲敢炫孔門瑟

題嚴歷亭司馬秋臯試馬圖四首

伏波曾共破重圍萬里炎荒策騎歸  
草檄墨丸磨楯鼻賦詩春雪繡弓衣  
嚴安射策聲華重王粲從軍陌路輝  
韎袴當年豪氣在西風踏鐵去如飛

捧檄江南應列星淮山卓馬萬峯青  
塵間試展中黃步冠上新加孔翠翎  
千里白雲依子舍一痕秋水落遙汀  
金堤屹立如金埒玉勒紆迴爲少停

耳後聲馳霹靂空黃塵手劈錦韉紅  
誰知冠玉書生面綽有橫戈壯士風  
迤邐川源收指掌蒼茫吳楚入懷中

習家池上來游數銅斗歡歌夾道童

未要熊幡擁上頭短衣磬控自風流蟻封癖有王驍騎  
款段乘非馬少游烏帽黃塵追昨夢夕陽紅樹入新秋  
一麾便面章臺路髀肉空驚歲月遒

由葦蕩左營至後洋卽事二首

春中曾溯黃流尾冬日來尋海上村半夜潮聲金虎嘯

一窩霜雪玉龍屯

蕩名龍窩

河如車軸隨帆轉界似鴻溝計

畝論

由車軸河至南北汎以河爲界

別有支岐通藪澤大伊山下導東

門

由大伊山達東門河爲出河汎產葦更茂

舍舟遵岸破朝寒彌望黃菅記里難有肉攫烏勞掾吏

無魚彈鋏到河干

後洋多捕魚者而食無魚

一蝸如寄焦團聚萬竈

堪容陸海寬不爲刀錐爭末利可能弛禁紊私官

葦柴初採以三十觔爲束圍圓中指四匝一繞口次

夏減十之二至秋減十之三蓋經時旣久有燥濕之

不同河員購值以遠近分低昂有二分至二分半之

殊此 國初例也康熙五十年設立葦蕩左右二營

後復設船務營交裝葦柴遂沿此例百餘年來物力

昂貴柴束多不如式葦營或資緣於船務船務或賄

求于廳役率以短茸充數弊有不可勝窮者余謂法  
行以漸弊去太甚葦營之樵兵卽州縣之花戶船兵  
卽糧艘之運丁宜加體恤而禁官弁之侵漁不宜勒  
抑而困苦之致虧國帑而悞要工此行歷左右二  
營定圍圓大小重輕爲明年交裝之式於定例中示  
體恤不使有偏枯之弊後洋者右營南北汛之尾也  
去前蕩寫遠無溝渠故棄不採往歲委官採辦不善  
而中止余請于河帥遴主簿張煒先清界限募民採  
割予其半以爲值而以其半變價充公易民柴補缺

額行之一年有效有謂恐侵前蕩滋弊者余親履其  
地詢之南北汎弁僉云畫界清楚前蕩萬不能採至  
其地實有益無損羣疑乃釋旣爲詩以紀事并識於  
後

袁簡齋先生約自維揚來訪遲之不至詩以逆  
之二首

畱得烟霞自在身何妨下界踏紅塵折梅夢到消寒館  
來書云住洪控鶴飛來臥雪人一榻清風迎杖履十年  
氏消寒之館舊雨悵參辰茱萸灣畔青蓮舫日暮浮雲盼遠津

安排牀下拜龐公預喜迎門走孺童鳩杖東南尊國老  
蛾眉弟子豔詩翁拈花頓悟多生幻落月牽懷異地同  
浦屬君家應小住驪駒休道唱匆匆

清江浦一  
名袁公浦

蕭糕圖二首

蕭美人住儀徵以糕得名奇中丞  
麗川有詩云山月不催人影去江

風又傷指痕涼吳太史穀  
人作序有翠袖碧雲之句

綠楊城郭蓼花津  
餽飣傳來姓字新  
莫道門前車馬冷

日斜還有買糕人

指痕人影中丞句  
翠袖涼雲學士章  
却笑當年饒太守

真州風物未親嘗

十五年前  
爲揚州守



楊忠烈公劒歌

在湖北應山縣大龜山僧寺銘其右曰天啟三年秋月楊大洪

造左曰大龜山督工謝子成楊一元記胡維君修湖北通志以拓本見貽

靈濟祠前蟬螻起白龍下吸聖泉水老僧夜駭七星流  
逆黨魂飛三尺死是時魏客燄方張欲斬佞頭煩尚方  
自鑄寶劒龜山傍監造者誰謝與楊其廣一寸長九寸  
上士佩之威八荒忠肝義膽淬寒鐔氣蒸雲夢吞衡湘  
新銜初拜都御史廿四罪書溢諫紙此物觸邪甚獬豸  
豺狼之肉安足齒二百年後愍孤忠至今啟匣光熊熊  
豈有貪贓楊大洪不平聲吼如鴻鐘

自題獨立圖二首

少年負意氣骯髒不干時中歲傷哀樂感激空爾爲  
上  
下宇宙間蒼莽將何之舉頭三萬里插脚九天垂流俗  
轉人易卓哉知我誰

舉杯邀明月三人互爲友不知暗室中衾影無愧否我  
今子身外萬物空諸有暮景蒼然來青天一搔首叩涉  
安所須仔肩庶無負

補梅軒草下

南康謝啟昆蘇潭

覃溪師寄示小石帆亭著錄敬題卷尾

吾師手著錄百家披不停蓬鶴豫章閣石帆山左亭漁  
洋論詩處昔夢今身經匪徒溯里第直以心源并拈花  
悟三昧雪屋燈熒熒貫弗書庫目如以水瀉瓶自有談  
龍錄後生背典型爾曹聲名敗萬古流滄溟詩禪正法  
眼野狐敢亂聽四聲本天籟索之空渺冥執鐸定元律  
妙語空中鈴我參寶蘇室此義當時聆亦越九曜池箋

簡寄丁寧廢學三十載辦香懼飄零不敢遽自棄篆刻  
心常銘六卷展且誦恍遊鎖院廳祕鑰時一啟四照樓  
開重局濟水與淮水異源同一靈泰山與燕山戴斗同  
一星何時對牀論使我雙眼青

熊謙山自濟東觀察陳臬吳中喜賦一律卽書  
於小滄浪話別圖後

萍分濟水又淮水星聚江城似歷城夜雨家山三載別  
春風官閣兩人并他時祖道誰能畫此地滄浪分外清  
謂蘇郡之滄浪亭猶恨胥門千里隔不同坐石濯冠纓

題吳蘭雪岱雲會合圖

蘭雪訪翁覃溪師於泰安使院黃小松爲作此

圖

浪浪夜雨寶蘇菴話到連牀舊事諳  
我亦昌黎門下士  
癡雲一片滯江南

題吳蘭雪新田十憶圖四首

丈夫不合老林泉待詔公車又隔年  
帽影鞭絲游子淚  
書聲燈影故山緣  
五噫高詠傳京洛  
十幅新圖寫輞川  
展卷欲歸歸未得  
月明空載運租船

四時括盡新田景  
老屋難忘榆社吟  
襟背迢迢樹萱意

門間戀戀采蘭心紫雲妙倩閨中染

圖內紫薇蘭因士女龔淑文所補

香雪遙知隴畔深更羨聯吟蕙風閣比肩羅袂兩蕭森

夫人亦能詩

孝岡之麓臨川側中有詩人靜據梧樂事豈能更僕數

好山只合夢魂俱兩間茅屋東西陸七字彭城大小蘇

獨恨原鴿新折翼江天回首雁行孤

君有兄先逝

某山某水釣游鄉兒戲猶能記草堂似我蘇潭秋院靜

思君蓬島綠雲長分無妙手摹幽景欲和清詞話樂方

他日角巾東第後香蘇過訪認迴塘

香蘇君家草堂名

杏花雙燕圖吳素雲女士筆爲蘭雪題

阿兄騎馬長安陌阿妹點筆蘇山側雙飛紫乙話依依  
一片紅雲春脉脉裝成綾幘壓奚囊題徧名媛姓氏香  
黑貂裘敝黃金盡贏得珍珠字萬行畫詩書信擅三絕  
況復一家同詠雪蕙風喚嫂蘭喚兄五色天花散春日  
官閣來看絕妙詞畫簾新燕正差池恨無玉腕驚鴻筆  
挾取春風碎錦枝

法時帆學士近以曹墨琴女史書洛神賦易素雲所畫秋芳圖計日

待歸芳樹下不隨秋燕辭秋社明歲探花入上林日邊

紅杏應重寫

題蘭雪荷塘坐月圖二首

柳絲漠漠拂輕紵綠羃烟霏不知處梧桐露下一卷書  
客本無言花欲語清風吹月墮金波瀉入銀塘萬柄荷  
一枝花上一輪月處處爲君寫照多

多生萬偈誦蓮華千葉池邊坐結跏是花是人兩不辨  
波光面面開晴霞六月河隄車暫止篠飲相思隔烟水  
圖成十憶又添圖夢到芳塘月初起

題蘭雪柘溪探花圖

好月荷塘看不足剪取柘溪烟水綠手種當門一桁花



雲壓臨溪數椽屋，雲暗花明別有天。倒影烘晴眩心目，  
嬋媛萬卷擁高眠。時有浩歌出空谷，身是蓬壺探花使。  
何妨小住臨川曲，蝴蝶滿身花亂飛。却憶比肩人似玉，  
蘭雪柘溪看花詩。有午風吹峽蝶同我過橋來，此意只  
之句。蕙風女士和云：滿身蝴蝶粉，知是看花回。  
有清溪，知此生合向花前祝。軟紅塵夢又三年，欲浣西  
江水，千斛歸來試比雙燕圖。兄妹題詩定盈軸，  
令妹素雲曾爲君寫杏花，  
雙燕圖。

題蘭雪秦淮春汎圖卽送之金陵

金陵勝槩一囊收，眊眊歸來續壯遊。璧月瓊枝人似舊，

紅橋綠水客添愁  
茶烟吹夢回孤棹  
墨瀋沾衣憶畫樓  
我是烏衣門巷侶  
春帆羨汝獨句畱

蘭雪孤山夜訪未開梅圖二首

信有逋仙癖  
花憐未放時  
含情空脉脉  
傳信故遲遲  
香澹無人問  
雲寒有鶴知  
西冷今夜夢  
獨與素心期

名士懷珍日  
佳人待聘年  
一湖清景濶  
獨夜客心懸  
笛喚魂初醒  
詩催我亦顛  
蘭雪別號梅顛  
補梅梅未發  
同此意拳

拳

余有補梅圖因名軒

桃花流水圖題示學崇

我昔蘇潭上種桃花始舒記兒纔頰面光澤最憐余兒  
已十年長花園半畝居春風吹作浪點點到清渠

題蘭雪拜梅圖

柘溪居士真可怪望見梅花先下拜不怕梅花嗔客狂  
却與先生作嘉會前身原是此花身何曾折節爲他人  
花王壓倒百花譜

王冕詩拍手  
大叫梅花王

先生是臣花是主蘭雪

與梅同一清先生爲弟梅爲兄千古高人愛高格和靖  
居然有揖客一日繞花一百回勝似米顛丈人石月明  
花下聽花語詩人傾倒遽如許惜花勿拜思更深雨雪

空山久延佇

同作

雲卿姚秀英

狂叫梅花昨夜開  
滿身風雪拜花來  
自從低首蘇門後  
今見先生第二回

附蘭雪和作

前年題公種梅圖  
寒花照酒梅影疎  
今年館公補梅軒  
梅子已熟枝葉繁  
柘溪亦有梅花塢  
曾畫梅顛訪梅處  
滿身風雪拜花前  
一夜花開溪上樹  
公爲我作拜梅詩  
機鋒電掣天馬馳  
閭閻傳觀出新句  
天花散

落瓊瑤枝平生飽閱鶯花海萬紫千紅委塵堪人間  
不見優鉢曇只有此花堪下拜拈花妙諦誰共參望  
塵有客嗤狂憨臣甫杜鵑米顛石此拜千載今成三  
公說前身花是我明日白雲證因果畫中樹樹江南  
春公定當年手種人

補梅軒與蘭雪話別四首

屢摹笠屐訪坡仙博得新詩滿畫船鶴夢隨園驚忽起

虹光夜燭白門邊

時將訪簡齋先生

羌無故實本天然課到諸兒句欲仙分得顧雍名字好

心香一瓣國香前

次兒學崇題拜梅圖詩  
爲君所賞字之曰仲蘭

官逋不問問詩逋一字書成換一珠歸去已無錐可立  
花溪茅屋剩新圖

浮雲盼斷幾長亭錦字迴文燕尾青計到蓬門秋未老

荷花淺水綠蜻蜓

蕙風女史有荷花淺水綠蜻蜓之句蘭雪嘗用其語爲詩

七月六日夜夢同覃溪師登岱與蘭雪論詩覺

而紀之卽書岱雲會合圖後

補梅軒畔夜迢迢石帆亭子秋氣高風吹詩夢一千里  
直窮泰嶽登岩龔青天如乳手可摘呼吸帝座通神霄

大明湖光十萬頃，目所未歷魂已招。仙音泠泠奏水樂，  
細聽先生歌且謠。求示句法但長嘯，拈花一瓣香微飄。  
執卷徬徨頭屢掉，不輕許可非謾嘲。投其所好忽驚倒，  
海山萬派俱來朝。青年弟子半零落，南州風雨空飄搖。  
江西門下士師許與言詩者啟昆與姚雪門楊鈍夫三  
人而已今雪門已下世鈍夫窮困不知所之而余亦老  
矣邇來吳生獨清發，瘦骨嶙峋神理超。口雖不言領其  
要，洪鑪試點冰丸消。齊烟九點會蓬島，苔岑一氣吹冰  
綃。醒來恰展畫圖至，清淮月落天雞號。

嘆咭喇貢使歌

乾隆五十八年六月嘆咭喇國  
納貢情詞極爲恭順貢物十九

件一西洋布蠟尼大和翁大架一座二坐鐘一  
架三大球全圖四地球全圖五雜樣器具六試  
探氣候架一座七銅炮八奇巧椅子九自然火  
十圖畫國王全家像十一玻璃影燈十二金線  
毯十三大絨毯十四馬鞍十五涼暖車十六軍  
器十七益力架子十八大小金銀船十九雜貨  
天津太守李程蓮郵書  
言甚悉因爲詩以紀之

皇帝五十有八年季夏之月月上弦有槎貫月向日邊  
明州萬里通海壖九十九淀直沽連絕島如豆浮蒼烟  
東南風利疾於鳶羊舂纔熟帆聯翩來從西洋弱水偏  
津吏走告津鼓聞大吏飛章奏

御前曰嘆咭喇使臣船其人凹目高兩顴于思于思赤



且髮尺有二寸兩足胼役使烏鬼如飛仙天鵲絨服哆  
囉噠文字詰屈語誕譁九譯而至忱拳拳祝

大皇帝壽如天

恩被八垓威八埏清寧合撰難名焉無物可以將潔蠲  
不貴銀甕與珠蟻有器渾圖窺象先小國蟻臣且巧專  
上薄九重下九淵製經累歲殫精研來復來更第一架子名大  
妙用宣大和翁名手自鑄廣逾銅儀超玉璇兩架梯空  
百丈懸雙毬上下交推遷象

帝之德包坤乾獻置康衢昭蕩平更有火法火鏡圖六

合在宥歸陶甄舉國圖像窮媿妍革心革面毋棄捐范  
金爲舟亦可牽願逐水陸左右旋佛郎機砲兼戈鋌能

佐紅衣透甲堅

本朝紅衣大將軍砲臨陣無敵

顧名思義義不愆格

物窮理理或然

來文云顯明大西洋人  
之格物窮理及其本事

其餘土物筐篚

填毳毼文木形蝸蛸百幅玻璃照大千龍駒穩稱黃金

羈涼燠皆適飛雲輶悉數難終珍寶駢舳艦轉輸達潞

川遠入向化

聖主憐

賜宴授館頒金錢勿尚奇技寶惟賢茲國不載四夷編

我

皇斂福臻十全照世杯明萬禩延荒服以外修職虔天  
津太守致郵箋如觀圖畫舞蹁跹目所未覩喜欲顛授  
簡昔曾侍 經筵親逢萬國趨班聯作歌愧乏筆如椽  
補入王會明堂篇

鐵樹行

清江浦禹  
王臺側

鑄鐵作樹樹非樹灌嬰井洗蛟龍腥

南昌靈佑宮鐵樹  
井許旌陽鎮蛟處

有樹名鐵鐵非鐵禹王臺現仙楂形苔蘚剝蝕鐵花鏽  
三株鼎峙同崢嶸不辨文木幾時種不知翠葉何年零

灌注淮流隔黃瀆蒼茫生氣回空冥深根入土土抱樹  
樹化爲石石轉青歷冬不枯春不榮扣之錚錚鏗有聲  
迷離黯黯來風雨愴怳劫燒經雷霆夜半往往作人立  
人言其下藏星精或云武宗昔南狩曾此繫纜三軍停  
積水池頭輿疾返豹房一閉龍髯升此樹不救御舟覆  
將軍封號殊不經按明史武宗漁於清江浦積水池舟覆溺焉遂輿疾歸卒於豹房然則俗傳此樹有功而封將軍者未可盡信桑田變易三百載稗官野乘安足徵  
廟貌巍巍明德馨隨刊之烈實式憑支祈神靜金鎖局  
或賴此樹驅諸靈叢祠狐兔不敢鳴空花刊落孤雲擎

古木丹青畫不到但聞簫鐵聲瓏玲祇園劒林本寓語

嶺南紫蕩嗤同名

嶺南有鐵樹似蕩面紫幹見放翁詩

靈樾直欲方孔里

大夫義不污秦嬴倚天拔地無欹傾長護金堤歌永清

題曾栗巖先生南湖秋望圖

乾隆戊寅秋黃琛作

一榻秋燈照淮甸三十二年曾識面此圖又在五年前

貌腴神充似初見其時刺郡來嘉禾臥閣而治人稱善

澎湖烟景九秋多政成偶此寄閑宴碧波清若長官心

妙句紗籠誌公院湖上居民認醉翁鳥語絃聲餘眷戀

當年戶戶興袴歌今日家家畫團扇歸去不名劉寵錢

丹青剩得胡威絹翩翩風度名父子能讀遺書守遺硯  
官齋坐對典型存梓里尋思循吏傳我後先生作監司  
不及南湖侍遊讌軒檻依稀警欬聞雪痕指點鴻泥片  
蘆荻洲邊落月明照來水淨澄江練爲君展卷續題詩  
墨瀋還成淚珠濺

黃岡寺桂樹歌

樹大可十圍其蔭半畝花時香聞十里蓋數百年物也余去秋

添種二本於其側今年花葉扶疎異他桂豈土性所宜邪山旰別駕馮蓮峽爲余言甚詳因作

歌以貽之

蔣家壩上黃茅岡高枕湖濬濶清泚照見如來金粟身

何年種得木樨子飛從鷲嶺疑天上倒浸蟾光出波底  
頃刻西風吹落花萬斛龍涎蘸秋水童童如蓋射扶桑  
粲粲明星集珠履使節防河時一停我未攀條色先喜  
盎然香夢不能收遙墮洪湖三百里僧云此花本非花  
化作簷蔔靜中起去年移植添二株譬若嫦娥有娣姒  
今聞葉厚健於甲作花亦復紛旖旎想因淮澤浸其根  
清氣滋培得生理不然奇材不竝世胡爲葱鬱均若此  
高者能覆俯能就百千年後成鼎峙敢云去思畱甘棠  
庶幾合抱如杞梓憑君護堤兼護樹我欲附之以不死

送凌仲子之金陵兼往安慶謁朱石君先生

袖裏胸山一片青  
冷然御氣客來庭  
射鵬蘂榜連三捷  
瀉水銀瓶貫六經  
弟子蘇門懷舊雨  
風烟淮海惜春星

補梅軒畔纔相見  
又向清江放畫舫

與君同出覃溪先生之門

鍾山翠繞定林幽  
灞皖分流到石頭  
邀我同看袁浦月  
憑君高詠秣陵秋  
白門山好胸開拓  
黃海雲深路阻修  
問道尋師多逸興  
好傳衣鉢上瀛洲

舊傳危危日  
畫貓能辟鼠  
見於東坡自題  
癸丑九月二十一日  
蓋危危日也  
王沛堂爲余作此



圖因題三絕於上方

黑睛如線午晴時短喙斑紋有怒姿十二支干無汝相  
誰知占日屬危危

眞貓不捕反資渠得力平生語豈誣

唐人一生作詩乃得力於貓狗用楊

世昌題東坡畫貓語

類犬免教嗤畫虎假威未可讓馴狐

百錢漫許聘衙蟬從此安心枕上眠不費魚餐空鼠穴  
功成謝祿守青氊

題谷竹村秋燈課讀圖二首

小池荷褪晚涼生燕寢香凝樺燭明灑澤功成無一事

臥聽兒輩誦書聲

浹水村居抱犢眠  
秋風秋雨種書田  
撥殘芋火繩牀側  
記取辛勤五十年

山居圖題示學增二首

憐汝牽衣袂相隨到日邊  
如何官閣裏却憶好林泉  
綠暗階前樹涼生戶外蟬  
阿連詩夢穩于此對牀眠

窮達本前定日長宜讀書  
汝年纔志學自計敢安居  
我祖東山宅西江處士廬  
下帷十載事業竟何如

題陳東浦方伯同年詩集後二首

匡廬會上讀書臺讀徧君詩面目開始信蘇黃才未盡

方之申甫事兼該春浮錦浪已人喜力挽狂瀾汴水迴

今到江河歸海處冰絃鼓動海仙來君從四川令守擢至河南按察使改

調江蘇晉江寧方伯

霓裳同詠大羅仙夢寐相過廿五年湖櫂鷗波新演雅

君新作莫愁湖櫂歌八首梅花人日恰開筵正月七日設席瞻園以詩集示之圖成

晴牧知為政悟徹真詮不入禪君自號晴牧居士有晴牧圖拓我襟

懷輕萬戶羨君俎豆有千篇

病中枕上口占適郭生頻伽詩來問疾書以荅

之

氣下如河決中虛似土崩一身清脈絡二豎竟憑陵王

掾真龍樹吾生厭葛藤諸緣從此斷日飲玉池冰

王州同履

得稍愈

百年祇一瞬間疾感維摩患難經將徧餘生得已多蒲

羈夜翻復詩橐日摩挲枕畔虹光起長吟祛病魔

熊謙山廉訪約鄧尉探梅花不果作歌解嘲兼

誌別忱

衆香作國雪作島見說梅花鄧尉好廿年來往吳閶道

梅花未放客來早繡衣廉使清且腴與梅臭味無差殊  
招我汎舟八百里春風十日遊姑蘇姑蘇城外盛羅綺  
絃管歌聲沸十里窖出唐花誇牡丹瓶嵌畫壁豔桃李  
獨有寒梅禁未開欲吐不吐光徘徊昨夜東風吹玉碎  
銅坑萬樹趁春回春回蓓蕾含姿致客不能來豈花意  
釀花已閱夏秋冬說梅休泥色香味不辭健步移遠株  
要領清氣歸江湖支硎之側路匪紆愛而不見思踟躕  
思踟躕兮心有托暮雲執手倚江閣不見梅花見素心  
鐵石廣平繼新作勞薪官轍輓轡中花神笑人何匆匆

二月春深花事濃看花不與蘇潭同不知載酒誰過從

羅浮有夢能相通雅集圖中添著我補梅軒畔

河庫道署中軒

名定思翁

師樸園司馬邀遊金山置酒江樓余刺京江時

設宴于此蓋二十三年矣感賦二首

乾坤浮水水浮空廿載登臨此地同鐵甕有碑虛墮淚  
布帆無恙快乘風將軍戰鼓桴誰執老守詩篇壁尚籠  
指點樓臺晴雪後爪痕猶認舊飛鴻

大江滾滾挾山浮孰肯抽帆趁急流萬里看君方濯足

樓園時將乞歸千峰邀我共登樓中冷泉好傾佳釀北府兵雄

據上游霧捲濤收天宇淨

是日曉霧

低徊往事等輕漚

### 袁簡齋先生八十壽

山人骨相特奇詭造化不能限生死姑布子卿術無驗  
又關三千年甲子前身跳出點蒼山親閱六朝松石間  
結廬白下不肖去餐霞噉霧非人寰綺年奏賦明光殿  
風流出宰河陽縣便咏陶潛采菊篇想見潘岳如花面  
三十歸來尚黑頭百尺烟雲水上樓萬卷獨開詩世界  
一園自占花春秋恣遊豈俟婚嫁畢五岳奇觀入吟筆

有子生遲金屋多娛親日宴板輿出不學鰥生乞薦言  
不惜黃金開酒樽天下公卿爭倒屣一時名士競趨門  
八十詩翁吟掉首童姬流傳不去口目光閃炬舌翻瀾  
脚健飛猱氣冲斗平生厭飫五侯鯖手自調羹譜食經  
志怪事緡子不語同人集續女諸生我甫生時公早達  
我官于南造公闥識公恨遲知我深彈指廿年電光忽  
前年出示歸娶圖萊衣偕憶憶當初夫人齊眉淮南雞犬人  
間羨魯殿靈光海內無

和宋雨宜見懷之作

時君寓蘇潭之養春山館



風烟十載隔江城  
湓浦書傳雁字橫  
來鶴亭高入

蘇潭亭名

其遠補梅軒好夢同  
清園蔬雪色春盤味  
山館書聲矮屋繁  
置水一盂還拔薤  
啟予珍重故交情

黃絹清才豔受辛  
妓圍紅燭一簾春  
廿年事記題襟集

八詠樓懷問字人

余與君丙子歲同師沈伯村先生于豫章書院蓋卅年矣

政拙爲

官慚上考

今年叨列卓薦

河防無術奉先民  
羨君萬卷書城擁

莫道儒林是散臣

宋謝氏貞女詩

宋廣文雨宜作貞女傳

吾宗有女名順姑  
不解咏絮趨庭隅  
年未及笄歸其夫

厥夫爲誰宋氏雛喃喃燕語春相於那知奠雁與弋鳧  
雖曰于歸猶女軀八歲夫殤涕漣如夜夢來告醒而吁  
針者貞也守不渝斷臂瘡面古有諸刺手之占若合符  
永辭朱粉卸羅襦珠兒旣沒熈兒扶手口瘡瘁惟藐孤  
朝紡夕績勤且紆以奉尊嫜饘粥須四十年來甘茹荼  
贛江石爛贛水枯之死靡他義不誣廣文立傳詞無諛  
傳自洪都之雩都作詩仍付閭史書乾隆甲寅三月初  
和友人淮上清明之作

寒食飛花照眼明天涯客感不勝情綿綿浦溆暗春雨

恰恰園林聽曉鶯  
百里淮山排霧出  
半篙桃浪帶潮生  
官厨餽粥香風送  
簫吹微聞隔巷聲

題田參戎竹田柳陰調鶴圖四首

安平名將出君家  
榆柳陰中自建牙  
宅近清淮無長物  
閑攜仙客飼瓊花

裘帶翩翩見性情  
投壺射覆有餘清  
冠飄孔雀花翎動  
便欲凌風跨鶴行

荆襄伐石屹金隄  
障海塘成浙水西  
上相咨謀惟汝賴  
閒身未許石泉棲

共濟同心兩不猜廿年識面軼風埃  
靈和殿影瑤臺格  
少日風標畫裏來

轉漕行

國家歲漕東南粟荆揚於越兼豫章  
天塹飛濤亂瓜步  
邗溟溝水通山陽南運口達北運口  
昔日仲莊今楊莊  
西南風利竹箭疾戔戔大舸聯帆檣  
檣烏忽占風脚轉  
望洋而歎川無梁洪波斗落二三尺  
淮非勢弱黃非強  
緩之則停急則濬濁泥數斗誰能量  
半日之間變氣候  
尋丈以內分低昂築壩挑之清水迸  
以淮刷黃黃可障

雁飛不到洪湖遠分支五道靈源長

謂五道引河

手挽懸河

銀漢上一葦杭之貫扶桑往歲河官偶失策引黃濟運

謀不臧惠濟祠前莽平陸盪舟無術心徬徨數載以來

享樂利治水以水其用良河伯亦資風伯助人力既盡

神力將水火工虞各舉職國事豈容分域疆蘭公績

邁斯文襄

河帥蘭素亭先生

管公能繼清江楊

漕帥管松崖先生頃奉聖諭

楊錫紱之後惟管榦珍能稱職

監司承流敏集事親蒞河干日不遑

謂

竹村

觀察我愧無能操畚鍤但看一日浮干航制府飛章告

于

帝

帝曰俞哉宜慎詳

制軍書紱庭先生奏糧船渡黃情形有催饋中仍寓詳慎之語奉硃批

是浪婆險惡毋輕嘗不競不絀期有常煌煌

聖訓眞慈航舟人歌舞羅酒漿來時夾岸桃李芳回日

叢菊花未黃不敢畱滯貪歸裝及冬受兌冬開行

叶

以

奉玉粒供

神倉子孫世食軍家糧

去蘇潭五載矣作蘇潭吟十首以寄余思

蘇潭

源頭有活水水面好風來一影散千百東坡安在哉

香雲書屋

香生雲不斷木樨花正滿空階聽子落幽夢無人管

惜餘軒

運甓師士行此意空悠悠倚樓還看鏡荏苒六十秋

罨畫窗

妙畫曰卽眞眞景更如畫是畫還是眞空色了無界

鴻雪舫

雪泥畱鴻印東西任所之遙憶題軒日知我泛梗時

錦浪齋

五色錦成堆飛花蹴浪回不是武陵客尋源許重來

鏡花水月廊

種荷處也

鏡水本無邊花月亦何有心香靜裏生蓮臺現韋紐

招爽臺

爽氣西山來招之入襟袖疎雨夢初覺珠簾卷清晝

梅塢

種梅三十株繞塢花如雪風霜歲月深遲余薦嘉賓

來鶴亭



放向孤山畔來和蘇潭陰照影同予潔扶雲知汝心

雨中牡丹二首

昨日輕雷鳴旋作亦旋止小雨濺微塵花光添旖旎宵  
來竟傾盆芳心惜未已呼童秉樺燭冒雨披衣起不怕  
驚深睡但要護嬌蘂薄寒中人骨濃意入花髓能持肅  
肅姿中道官輕委

晨光朝隱霧陰翳尚如幕盥手扶重頭憑欄坐書閣開  
者幸未捐餘苞仍歛萼譬如未嫁妹娉婷守素託均銜  
膏澤恩不見淚珠落澆以黃金罍重以繡絲絡霽日重

來看未忍付牛酪

同幕中諸友飲李公祠牡丹花下兼示學增學  
崇

屏與祠屋外命酒講堂邊擁帳無絲竹當階有麗娟花  
光晴不定香夢午初圓一笑傾三雅風流屬謫仙

先生真好客

謂程春廬孝廉

稚子亦能詩忽憶前春宴花間接

杖時身長人比樹我老鬢成絲壓帽從君笑當筵折一  
枝

署齋邀陳松山先生偕同人看芍藥

度曲聲

座有歌者

同羯鼓催當階錦蒂逐風開頻年例作邀

頭宴十日連傾婪尾杯

數人

日前與同賞牡丹

花號將離偏婀娜

春知小別故遲回

余與先生俱有都門之行

豐宜門外豐臺路紫馬

香塵夢裏來